

Áššeovddideapmi

Vuodđodokumeanta.
 Jorgaluvvon dokumeanta

Vuorkááššnr. 2019/936-2	Vuorká: 255	Áššemeannudeaddji: Ann Catharina A. Lango	Dáhton: 09.12.2019
----------------------------	----------------	--	-----------------------

Lávd.áššnr.	Lávdegoddi:	Čoahkkindáhton:
	Ovdagotti mearrádusevttohančoahkkin	
	Suohkanstivra	

ÁSAHIT SUOHKALAŠ EAIGGÁDUVVON OASUSFITNODAGA - NUPPÁSTUHTTINORGANISAŠUVDNA

Mearrádusdiehtu sáddejuvvo dán čujuhussi:

Finnmárkku fylkagielda Mikal Lanes bokte postmottak@ffk.no

Innovasjon Norge Randi Abrahamsen bokte randi.abrahamsen@innovasjon Norge.no

Čujuhuvvo čuovvovažžii:

Finnmárkku fylkagieldda juolludanreive

Nuppástuhttinplána Guovdageaidnu 2019 – 2025

PS 10/19 Guovdageainnu suohkana nuppástuhttinplána

Mildosat:

- Vuodđudandokumeanta
- Ovddos AS njuolggadusat (dohkkeheapmái)
- Stivreninstruksa (dohkkeheapmái)

Ášši duogáš:

Guovdageainnu suohkan oaččui nuppástuhttinstatusa guovvamánu 12. beaivvi 2019. Duogáš nuppástuhttinstatusii lea ahte suohkan lea duođalaš dilis, sihke ealáhus- ja servodatdáfus, go boazodoalus lea jođus nuppástuhttin, alla barggohisvuolta ja mánáidgeafivuolta. Ornet regionála nuppástuhttin galgá buktit lassáneami ja árvoháhkama suohkanis. Mihttu nuppástuhttinbarggus lea:

- Ovdanahttit ja sihkkarastit bargosajiid
- Lasihit starggasvuoda ealáhusain
- Lasihit servodaga innovašuvdna- ja ovdánahttinmáhtu

Nuppástuhttinprográmmas leat njealje muttu:

1. Čielggadanmuddu
2. Strategiija- ja čanastumimuddu
3. Čađahanmuddu
4. Loahpahanmuddu

Vuosttaš muddu lea čađahuvvon ja dál leat loahpaheame muttu 2 gos leat čađahuvvon kártemat álbmotčoahkkimiid, bargobájiid, jearahallamiid jna bokte, mii lea mielddisbuktán nuppástuhttinplána ja doaibmaplána vuosttaš doaibmajahkái.

Suohkanstivra dohkkehii nuppástuhttinplána ja doaibmaplána áššis 10/19 dáhtonis 27.06.2019 seammás go mearriduvvui ásaht AS mii jođiha nuppástuhttinprošeavtta. Ovdagoddi välljejuvui seammá áššis váldočoahkkimin.

Guovdageainnu suohkan eaiggáduššá nuppástuhttinprográmma ja galgá sihkarastit ahte nuppástuhttinprográmmas lea dohkálaš johtu ovddos ja ahte bohtosat ilbmet. Váldočoahkkin (ovdagoddi) doaimmaha eaiggáda válddi oasusfitnodaga badjel.

Namma

Lea čađahuvvon nammagilvu nuppástuhttinorganisašuvnna váste. Gilvu almmuhuvvui Guovdageainnu suohkana Facebook-siiddus ja GLR sáddagis. Dáppe ávžžuhuvvojedje olbmot sáddet nammaevttohusaid ja vuoiitu ledje 10 flaxavuorbbi.

Bohte 10 evttohusa. Nuppástuhttinhoavda ja ovdánahttinjođiheaddji nammadeigga dan guokte buoremus evttohusa, evttohusat *Ovddos* ja *Ealljár*. Ovttasráđiid sátnajođiheddjiin, ráđđeolbmáin ja Sápmi Ealáhusgárddiin válljejuvvui vuoti.

Nammaevttohus *Ovddos* vuittii. *Ovddos* mearkkaša frem dárogillii ja muitala ahte nuppástuhttinorganisašuvdna galgá ovddosguvlui bargat.

Eaktu guhte nama válljet lei earret eará ahte galgá muitalit mii nuppástuhttinbargu mearkkaša, ahte galggái leat álki dadjat ja čállit ja ahte fitnodatnamma ii lean ovttage earás. Namma galggai maid dai boktit beroštumi ja čuodjat bures.

Njuolggadusat

Suohkanstivra galgá dál vuodđudit ja čállit ossosiid oasusfitnodahkii. Vuodđudeamis galget maid dai dohkkehuvvot njuolggadusat fitnodahkii ja mearriduvvo stivreninstruksa. Nu movt bohtá ovdan njuolggadusain galgá oasusfitnodat jođihit nuppástuhttinprošeavtta man suohkan eaiggáduššá, mearriduvvon nuppástuhttinplána ja doaibmaplána mielde.

Suohkan čállá 100 ossosa 30 000 ruvno ovddas, ja suohkan oamasta 100% dain. Fitnodat ii galggá váldit vuoiitu, ja galgá jođihuvvot almmolaš njuolggadusaid mielde, nu movt almmolašvuodáláhka, hálddašanláhka, almmolaš háhkamat ja gustojeaddji oasusláhka.

Nu movt bohtá ovdan nuppástuhttinplánas, hálddaša Oasusfitnodat nuppástuhttinruđaid suohkana ovddas. Nuppástuhttinorganisašuvdna ráhkada maid dai evttohusaid vejolaš muddemiid nuppástuhttinplánas man suohkan, ovdagotti bokte mearrida, ja ráhkada jahkásaš doaibmaplána evttohusaid máid ovdagoddi meannuda.

Revisor

Fitnodahkii galgá válljejuvvot revisor. Revisorin evttohuvo ES Revisjon mas lea kanturbáiki Hárstak gávpogis. Revišuvdnafitnodat lea dovddus Davvi-Norggas ja fáallet iežaset leat digaštallanguoibmin ja doarjjan rehketoalloáššiin. Lea jurddašuvvon ahte nuppástuhttinorganisašuvdna ieš čállá rehketoalu ja dan dihte lea dehálaš ahte lea revisor mii fálla rávvagiid ja doarjaga.

Stivrabuhtádus

Rávvejuvvo ahte máksojuvvo fástabuhtadus ja buhtadus juohke čoahkkima ovddas. Vurdojuvvojit ollu čoahkkimat ja lagas gulahallan gaskal nuppástuhttinjođiheaddji ja stivrra. Nuppástuhttininstivra galgá deaivvadit 6 – 10 geardde jagis. Dan dihte rávvet dáid honorárameriid.

Stivrajođiheaddji: Jahkásaš fástabuhtadus kr 75 000

Nubbinjođiheaddji: Jahkásaš fástabuhtadus kr 25 000

Earát: Jahkásaš fástabuhtadus kr 15 000

Fástabuhtadus mákso go lea oassálastán unnimusat beali mearriduvvon čoahkkimiin. Dasa lassin máksojuvvon čoahkkinbuhtádus kr 2000 juohke dábálaš ja liigedábálaš stivračoahkkima váste.

Stivralahtut ožžot dasa lassin buhtadusa mátk-, borran- ja orrungoluin stáhta mátkeregulatiivva mielde.

Honoráraid ja buhtadusaid sáhhtá válđočoahkkin revideret.

Stivra

Nuppástuhttinplánas boahán ovdan ahte galgá valljejuvvot stivra mas leat vihtta fásta áirasa. Stivrras galget álo leat 3 áirasa ealáhusain, okta dain galgá lea Guovdageainnu ealáhussearvi jođiheaddji. Evttohuvo maid dai ahte eaiggádis lea stivrasadi, suohkanstivraáirras. Dát lea dehálaš nu ahte lea vuođđuduvvon suohkanii. Viđát sadi lea olggobeal olmui geas lea máhttu ealáhus- ja servodatovdáneamis. Olggobeal stivralahttu oassálastá fysalaččat ja Skype bokte.

Lassin fásta stivralahtuide evttohuvo ahte nammaduvvojit vel golbma varrelahtu, ja suohkanstivra namma ovttá dain, eaiggáda bealis.

Stivrras galget leat unnimusat 40% goappáge sohka bealis.

Stivrras berrejit leat stivralahtut geain lea iešguđetlágan ja mánggabealálaš gelbbolašvuohta; gelbbolašvuohta ealáhusain, sámi servodagas ja sámi ealáhusain, báikkálaš servodagas ja akademalaš máhtus. Persovnnalaš heivvolašvuohta berre maid dai deattuhuvvot. Viidásit lea obbalaš ávkkálaš go stivrras lea olmmoš geas lea máhttu fitnodatovdáneamis, ekonomiijas, organiseremis ja stivrabarggus. Áinnas maid dai juridihkalaš gelbbolašvuohta, márkanfievrrredeapmi ja kapitálahálddašeapmi.

Stivrajođiheaddji válljen sáhhtá lea hirbmat mearrideaddjin proševtta lihkostuvvamii. Stivrajođiheaddjis berre leat buorre ipmárdus proševtta premissain, sus berre leat dohkálaš stivragelbbolašvuohta, fágalaš kvalifikašuvdna, persovnnalaš motivašuvdna ja buorre ovtasbargomáhttu.

Evttohus stivrra čoahkádussii:

Stivralahttu: _____, Guovdageainnu suohkan

Stivralahttu: Marit Aune Buljo, Guovdageainnu ealáhussearvi

Stivralahttu: Mathis Persen Bongo, Arctic Lavvo AS

Stivralahttu: Johan Mathis Buljo, Finnmark Rein AS

Stivralahttu: Lisbeth Iversen, Med hjerte for Arendal

Varrelahttu:

1. varrelahttu: Inger Marit Bongo, Maritex Gávpi

2. varrelahttu: _____, Guovdageainnu suohkan

3. varrelahttu: Marja Elise Hætta Eira, NAV Guovdageaidnu jođiheaddji

Sátnejođiheaddji, ráđđeolmmái, Finnmárkku fylkagiella, Innovašuvdna Norga ja Sámediggi ožžot áicistáhtusa stivrras.

Stivra vuođđuda jođiheaddji ja nubbinjođiheaddji, ja vállje beaivválaš jođiheaddji vuosttaš stivračoahkkimis. Vuosttaš stivračoahkkin berre dollojuvvot ođđajagimánu álggus, ja doppe galget maid dai nuppástuhttinruđaid njuolggadusat mearriduvvot.

Lea leamaš dialoga Finnmárkku fylkagielladain ja Innovašuvdna Norggain stivračoahkádusa dáfus.

Mearrádusevttohus:

1. Guovdageainnu suohkan ásaha oasusfitnodaga man namma lea Ovddos AS.
2. Guovdageainnu suohkan čállá 100 ossosa à NOK 300, oktiibuot NOK 30 000, mii de leat fitnodaga oasuskapitála.
3. Ovddos AS njuolggadusevttohus mii lea mielddusin dohkkehuvvo.
4. Stivrabuhtadusa satsat:

Stivrajodíheaddji: Jahkásaš fástabuhtadus kr 75 000

Nubbinjodíheaddji: Jahkásaš fástabuhtadus kr 25 000

Earát: Jahkásaš fástabuhtadus kr 15 000

Fástabuhtadus mákso go lea oassálastán unnimusat beali mearriduvvon čoahkkimiin. Dasa lassin máksojuvvon čoahkkinbuhtádus kr 2000 juohke dábálaš ja liigedábálaš stivračoahkkima váste. Stivralahtut ožžot dasa lassin buhtadusa mátk-, borran- ja orrungoluin stáhta mátkeregulatiivva mielde. Honoráraid ja buhtadusaid sáhtta váldočoahkkin revideret.

5. Stivrii välljejuvvojit:

Stivralahttu: _____, Guovdageainnu suohkan

Stivralahttu: Marit Aune Buljo, Guovdageainnu ealálhussearvi

Stivralahttu: Mathis Persen Bongo, Arctic Lavvo AS

Stivralahttu: Johan Mathis Buljo, Finnmark Rein AS

Stivralahttu: Lisbeth Iversen, Med hjerte for Arendal

Varrelahtut:

1. varrelahttu: Inger Marit Bongo, Maritex Gávpi
2. varrelahttu: _____, Guovdageainnu suohkan
3. varrelahttu: Marja Elise Hætta Eira, NAV Guovdageaidnu jodíheaddji

Sátnejodíheaddji, ráđđeolmmái, Finnmark fylkagiela, Innovašuvdna Norga ja Sámediggi ožžot áicistáhtusa stivrras.

Stivra vuodđuda jodíheaddji ja nubbinjodíheaddji, ja vällje beaivválaš jodíheaddji vuosttaš stivračoahkkimis. Vuosttaš stivračoahkkin berre dollojuvvot ođđajagimánu álggus.

Olggobeal stivralahttu oassálastá fysalaččat ja Skype bokte.

6. Maŋŋel vuodđudusa sirdojuvvo nuppástuhttinruđa hálddašanoavddasvástádus Guovdageainnu suohkanis Ovddos AS:i
7. Stivreninstruksaevttohus mii lea mielddusin dohkkehuvvo
8. Suohkanstivra dohkkeha vuodđudandokumeantta mii lea mielddusin